

為蘇合凡外國諸珍異皆出焉以金銀為錢銀錢十當金錢一與安息天竺交市於海中利有十倍其人
質直市無二價穀食常賤國用富饒鄰國使到其界首者乘驛詣王都至則給以金錢其王常欲通使於
漢而安息欲以漢繒綵與之交市故遮闕不得自達關音五至桓帝延熹九年大秦王安敦遣使自日南
徼外獻象牙犀角瑇瑁始乃一通焉其所表貢並無珍異疑傳者過焉或云其國西有弱水流沙近西王
母所居處幾於日所入也漢書云從條支西行二百餘日近日所入則與今書異矣前世漢使皆自烏弋
以還莫有至條支者也又云從安息陸道繞海北行出海西至大秦人庶連屬十里一亭三十里一置驛
也終無盜賊寇警而道多猛虎師子遮害行旅不百餘人齎兵器輒為所食又言有飛橋數百里可度海
北諸國所生奇異玉石諸物譎怪多不經故不記云魚豢魏略曰大秦國俗多奇幻口中
大月氏國氏音支居藍氏城前書藍氏西接安息四十九日行東去長史所居六千五百三十七里去洛
陽萬六千三百七十里戶十萬口四十萬勝兵十餘萬人初月氏為匈奴所滅遂遷於大夏分其國為休
密雙靡貴霜盼頓都密凡五部翎侯後百餘歲貴霜翎侯巨就卻攻滅四翎侯自立為王國號貴霜王劉
效曰案文多一王氏侵安息取高附地又滅漢達屬賓悉有其國巨就卻年八十餘死子閻膏珍代為王復滅天竺
置將一人監領之月氏自此之後最為富盛諸國稱之皆曰貴霜王漢本其故號言大月氏云
乾隆四年校刊 後漢書卷一百八列傳 五

IX.

高附國在大月氏西南亦大國也其俗似天竺而弱易服善賈販內富於財所屬無常天竺屬賓安息三
國強則得之弱則失之而未嘗屬月氏漢書以為五翎侯數非其實也後屬安息及月氏破安息始得高
附
天竺國一名身毒在月氏之東南數千里俗與月氏同而卑溼暑熱其國臨大水乘象而戰其人弱於月
氏修浮圖道不殺伐遂以成俗佛也從月氏高附國以西南至西海東至罽越國皆身毒之地身毒有
別城數百城置長別國數十國置王雖各小異而俱以身毒為名其時皆屬月氏月氏殺其王而置將令
統其人士出象牙瑇瑁金銀銅鐵鉛錫西與大秦通有大秦珍物又有細布好毳毳音它闕反毳音登
曰施之承大牀前小諸香石密胡椒薑黑鹽和帝時數遣使貢獻後西域反畔乃絕至桓帝延熹二年四
年類從日南徼外來獻世傳明帝夢見金人長大頂有光明以問羣臣或曰西方有神名曰佛其形長丈
六尺而黃金色帝於是遣使天竺問佛道法遂於中國圖畫形像焉楚王英始信其術中國因此頗有奉
其道者後桓帝好神數祀浮圖老子百姓稍有奉者後遂轉盛
東離國居沙奇城在天竺東南二千餘里大國也其土氣物類與天竺同列城數十皆稱王大月氏伐之
遂臣服焉男女皆長八尺而怯弱乘象駝往來鄰國有寇乘象以戰

X.